

四庫全書

史部

欽定四庫全書

史部

欽定歷代職官表卷

八

編修 臣 錢樾 覆勘

纂修兼校勘內閣中書

臣

柴

模

謄錄 監生

臣

吳振興

欽定四庫全書

欽定歷代職官表卷七

戶部三庫表

代秦漢後漢三國晉

宋齊

北魏

北齊

後周

隋

唐

五季

宋

遼

金

元

明

臣太庫三庫管

大司徒
大司農
大司馬

太師
太傅
太保

太尉
太僕
太常

大府
大司馬
大司徒

大司馬
大司徒
大司空

大司馬
大司徒
大司空

大司馬
大司徒
大司空

大司馬
大司徒
大司空

大司馬
大司徒
大司空

大司馬
大司徒
大司空

三庫郎中

司上 司大 司水 司庫 司貨 司周 太府上 太府下 太府中 太府左 太府右 太府前 太府後 太府左 太府右 太府前 太府後

中藏府中藏府
中藏府中藏府
中藏府中藏府

中藏府中藏府
中藏府中藏府
中藏府中藏府

左藏府左藏府
左藏府左藏府
左藏府左藏府

右藏府右藏府
右藏府右藏府
右藏府右藏府

監倉庫監倉庫
監倉庫監倉庫
監倉庫監倉庫

源庫都源庫都
源庫都源庫都
源庫都源庫都

欽定四庫全書

卷七

三庫主事

司書
士
司書
士

太府寺
丞
左廣出
納判官

三司判官
戶部使太府監太府監
判官丞丞
三部判官
院判官
都府勸
司判官
都主幹
支收司
判官
都通由
司判官
太府寺
丞

戶部三庫

國朝官制

管理三庫大臣無定員

於大臣內

簡用掌綜理三庫之政令稽其財用出入之數月有要
歲有會皆覈實以

聞雍正元年始置特鑄管理三庫銀印以授之

銀庫郎中一人員外郎二人司庫一人大使二人皆滿

洲員額

掌銀貨解納收支之政令凡直省田賦及關市鹽
茶諸稅課咸入焉歲有常數部覈數無闕迺移庫
準部定權衡受之如啟櫝驗封有作弊及數不實
者論初順治元年止設後庫置滿洲郎中四人員
外郎二人司庫六人十三年分建三庫置理事官
二人以總其事增司庫二人康熙三十五年定制
三庫各置郎中一人員外郎一人司庫二人雍正

二年三庫各增員外郎一人置大使各一員省銀
庫司庫一人乾隆三年增銀庫大使一人凡郎中
員外郎闕各部院於所屬諸司遴選賢能者送部
引

見補用閱三年更選以代司庫大使亦如之

段尺庫郎中一人員外郎二人司庫二人大使一人皆
滿洲員額

掌幣物解納收支之政令凡歲用纈帛紗縠咸入

馬由織造官市絲民間織染輸部部移庫受之所
需財用皆給公帑具冊達部以待稽覈有造作不
如法者論

顏料庫郎中一人員外郎二人司庫二人大使一人皆
滿洲員額

掌雜物解納收支之政令凡器用所需百物之良
若銅錫鉛鐵丹青赭綠香楮茶蠟之屬咸入焉直
省有司各以其土產歲支正賦市自民間大者疏

聞下部小者以冊達部覈其數移庫受之擇採不精良者論

三庫堂主事一人滿洲員額

掌三庫文案凡財賄之受藏於庫及取用於庫者皆書其數歲終廼執其總會三庫羣吏之籍而叅考之以待奏銷雍正二年置

三庫筆帖式十有五人庫使二十有六人皆滿洲員額分隸三庫各佐其長以行遣文書稽考出納筆帖

式初置十人順治十二年增置二人康熙二十五年定置二十四人雍正二年省九人庫使初置三十二人雍正二年增顏料庫一人省銀庫六人段尺庫一人

歷代建置

三代

禮記曲禮六府曰司土司木司水司草司器司貨典司六職鄭康成註此蓋殷時制主藏六物之稅

周皆屬司徒

周禮天官太府下大夫二人上士四人下士八人
府四人史八人掌九貢九賦九功之貳以受其貨
賄之入頒其貨于受藏之府頒其賄于受用之府
凡官府都鄙之吏及執事者受財用焉歲終則以
貨賄之入出會之

鄭康成註太府為王治藏之長

外府中士二人

府一人史二人掌邦布之入出以供百物而待邦
之用凡有灋者歲終則會唯王及后之服不會

鄭康

成註外府主
泉藏在外者

司書上士二人中士四人府二人史

四人掌邦之六典八灋八則九職九正九事邦中

之版土地之圖以周知入出百物以叙其財受其

幣使入於職幣

鄭康成註司書
主計會之簿書

職幣上士二人中

士四人府二人史四人掌式灋以敘官府都鄙與

凡用邦財者之幣振掌事者之餘財皆辨其物而

奠其祿以書揭之以詔上之小用賜子歲終則會

其出

周禮秋官職金上士二人下士四人府二人史四人掌凡金玉錫石丹青之戒令受其入征者辨其物之媿惡與其數量揭而璽之入其金錫于為兵器之府入其玉石丹青于守藏之府入其要

謹案太府乃守藏之官即今三庫所自出若銀庫當為外府職幣之職顏料庫當為職金之職三庫當主事專主鈎考文案則又近於司書之職也至玉府內府職內諸官掌良貨賄之藏在

內者秦漢少府即其職掌今故析繫諸內務府
表內云

王應麟玉海魯有府人鄭有府人庫人

漢

漢書食貨志初大農榦鹽鐵官布多置水衡欲以
主鹽鐵及楊可告緡上林財物衆廼今水衡主上
林上林既充滿益廣

謹案唐六典謂太府之職秦漢分在司農少府

顏師古漢書註謂大司農供軍國之用少府以養
天子是此二官者雖皆領財計而職掌有殊至
如食貨志所載則水衡上林亦主泉藏應劭
註宣帝本紀稱縣官公作仰給司農少府水衡
為天子內藏其說與師古合然則漢之司農當
如今戶部三庫而少府水衡則當如今之內務
府也但自漢以迄梁陳俱不置太府故府藏官
獨隸於少府其司存無可區別今析少府沿革

繫之內務府篇而府藏諸令丞則仍互見於此

焉

後漢書百官志守宮令一人六百石主尚書財用

諸物丞一人

漢官曰員吏六十九人

中藏府令一人六百石

掌中幣金銀諸貨物丞一人

漢官曰員吏十三人吏從官六人

屬

少府

後漢書桓帝本紀建和元年芝草生中黃藏府懷

太子李賢註漢官儀曰中黃藏府掌中幣帛金銀諸貨物

劉昭後漢書志註古今注曰建初七年七月為大司農置丞一人秩千石別主帑藏

謹案杜佑通典於左右藏沿革惟載後漢之中藏府令丞而不及守宮令然考守宮主尚書財用則府庫出納亦其專司也至本紀所載之中黃藏府疑即百官志之中藏府觀文選注引曹植令曰皇帝損采輿之副竭中黃之府云云則當時實有中黃之號其稱中藏者殆從省文耳

又司農丞別主司農帑藏與少府分治財賦是
即顏師古所云大農供軍國之用者蓋猶沿前
漢之制矣

三國

唐六典後漢少府屬官有中藏府令丞魏氏因之
蕭統文選左思魏都賦白藏之藏富有無隄同振
大內控引世資張載註白藏庫在西城下有屋一
百七十四間秋為白藏因以為名大內京邑都內

寶藏也

晉

晉書職官志少府統中黃左右藏等令中黃左右藏等丞

馬端臨文獻通考晉江東置御史掌庫曹後分庫曹曰外左庫內左庫

宋齊梁陳

宋書百官志宋太祖元嘉中省外左庫而內左庫

直云左庫世祖大明中復置廢帝景和元年又省
杜佑通典齊曰右藏

謹案自東晉以御史掌庫曹宋沿其制故宋書
百官志少府所屬無藏令丞之職南齊書百官
志雖未見明文而侍御史有十人與宋制正同
則右藏庫當亦御史所掌也

隋書百官志梁天監七年加置太府卿為夏卿位
視宗正掌金帛府帑統左右藏令上庫丞

唐六典梁始置太府班第十三梁陳有右藏庫無左藏

謹案自梁仿周禮置太府卿於是府庫之闕國用者始改隸太府而少府遂為專供服御之官至唐六典謂梁陳有右藏庫無左藏而今本隋書百官志所載又作左右藏與六典不合然考冊府元龜所引史文實止右藏並無左字疑今本傳刻誤衍左字也

隋書百官志陳太府卿中二千石品第三

北魏

魏書百官志太府卿品第三太府少卿品第四

通典後魏太和又改少府為太府卿兼有少卿

掌財物庫藏

王顯謂楊固曰吾作太府卿庫藏充實

北齊

隋書百官志太府寺掌金帛府庫統左藏黃藏右

藏等署令丞

後周

冊府元龜後周太府有中大夫掌貢賦貨賄以供
國用屬大冢宰

唐六典後周有外府上士中士二人掌絹帛絁麻
錢物皮角筋骨之藏

隋

隋書百官志高祖受命置太府寺統左藏右藏黃
藏等署各置令二人黃藏惟置一人丞四人黃藏

則一人煬帝即位分太府寺為少府監太府但管
左右藏等八署改諸令為監

謹案隋制以左藏為上署令秩正八品右藏黃
藏為中署令秩從八品蓋當時正供財賦悉送
左藏故獨優其等秩也至黃藏一署叛於北齊
而隋因之其職掌不概見疑亦沿漢中黃藏府
之名而省其中字者耳

唐

唐六典太府寺卿一人從三品

龍朔二年改為外府正卿咸亨元年

復故光宅元年改為司府寺卿神龍初復舊

少卿二人從四品上

貞觀中置

二人龍朔咸亨光宅神龍並隨寺改復

太府卿之職掌邦國貨財之

政令舉其綱目修其職務少卿為之貳以二法平

物一曰度量二曰權衡金銀之屬謂之寶錢帛之

屬謂之貨絹曰匹布曰端綿曰屯絲曰紵麻曰綏

金銀曰鈇錢曰貫凡四方之貢賦百官之俸秩謹

其出納而為之節制焉諸州庸調及折租等物應

送京者並貯左藏其雜物並貯右藏庸調初至京
日錄狀奏聞每旬一奏納數○丞四人從六品下
掌判寺事凡左右藏庫帳禁人之有見者若請受
輸納人物名數皆著於簿書每月以大摹印紙四
張為之簿而以衆官同署月終留一本於署每季
錄奏兼申所司○主簿二人從七品上掌印省
署抄目勾檢稽失太府寺管木契七十隻十隻與
左藏東庫合十隻與左藏西庫合十隻與右藏內

庫合十隻與右藏外庫合又十隻與東都左藏庫
合十隻與東都右藏庫合各九雄一雌九雄太府
寺主簿掌一雌庫官掌又五隻與左藏朝堂庫合五
隻與東都左藏朝堂庫合各四雄一雌其契以次
行用○錄事二人從九品上掌受事發辰府二十
五人史五十人計史四人亭長七人掌固七人○
左藏署令三人從七品下丞五人從八品下府九
人史十八人監事八人從九品下典事十二人掌

固八人令掌邦國庫藏之事丞為之貳凡天下賦
調先於輸場簡其合尺度斤兩者知及御史監閱然
後納于庫藏皆題以州縣年月所以別麤良辦新
舊也凡出給先勘木契然後錄其名數及諸人姓
名署印送監門乃聽出若外給者以墨印印之凡
藏院之內禁人然火及無故而入者院內常四
面特仗為之防守夜則擊柝分更以巡警焉左
藏有東庫西庫朝堂庫又有東都朝堂庫各掌木

雌契一與太府主簿合之○右藏署令二人正六
品上丞三人正九品上府五人史十三人監事四
人從九品下典事七人掌固十人令掌邦國寶貨
之事丞為之貳雜物州土安西于闐之玉饒道宣
永安南邕等州之銀揚廣等州之蘇木象牙永州
之零陵香廣府之沈香霍香薰陸雞舌等香京兆
之艾納香紫草宣簡潤柳鄂衝等州之石綠辰溪
州之硃砂相州之白粉巖州之雌雄黃絳易等州

之墨金州之梔子黃蘗西州之高昌碁石益州之
大小黃白麻紙弓弩弦麻杭婺襦越等州之上細
黃狀紙均州之大模紙宣襦等州之案紙次紙蒲
州之百日油細薄白紙河南府許衛懷汝澤潞等
州之兔皮鄜寧同華號晉蒲絳汾等州之狸皮越
州之竹管涇寧邠龍蓮等州之蠟蒲絳鄭貝等州
之氊河南府同鄧許等州之膠蒲同號等州之席
涇丹鄜坊等州之麻京兆岐華等州之木燭凡四

方所獻金玉珠貝玩好之物皆藏之出納禁令如
左藏之職右藏有內庫外庫東都庫各木雌契一
隻與太府主簿合之

新唐書列傳唐舊制財賦皆納左藏庫而太府四
時以數聞

曾肇曲阜集財賦總於地官而太府司其出納
謹案今三庫之制凡

朝廷經費官司庶物之待給者所司籍其數移部部

稽其籍相符乃牒諸三庫主事主事受其牒而書之頒之承用之府覈實而發之每月則執其總以奏焉出入勾稽至為詳慎考陸贄翰苑集奏裴延齡姦蠹書有云總制邦用度支是司出納貨財太府攸職凡事太府出納皆稟度支文符太府依符以奉行度支憑案以勘覆互相關鍵用絕姦欺其出納之數則每旬申聞其見在之數則每月計奏皆經度支勾覆又有御史監

臨旬旬相承月月相繼據贄所言是唐代度支
之於太府與今戶部之於三庫其立法正同三
庫即太府寺職掌此尤其明證也至左右藏始
自北齊隋唐以後並仍厥制稽其所貯左藏為
絲絹布帛之屬如今之緞疋庫右藏為香楮茶
蠟之屬如今之顏料庫而獨無銀庫惟於諸州
雜物內一見之即通典所載歲貢之數貢銀者
三十一州亦止五百餘兩而已推原其故蓋自

秦并天下制幣為二等而銀錫之屬祇為罷飾
寶藏不為幣見於漢書食貨志其後歷代皆然
民間交易惟穀帛與錢無用銀之例唐時租出
穀庸出絹調出繒布兩稅法行則又令出錢而
未嘗以銀充國賦宋代諸州歲輸緡錢故至今
猶相沿謂之錢糧而洪邁容齋三筆載宋府庫
每歲賦入大數自錢穀以外為絹綢絲布茶蠟
並無徵銀之目惟閩廣諸州因其土俗間許以

銀易緡錢故左藏庫亦貯有金銀而不為常額
蘓轍元祐會計錄載歲入銀數止五萬餘兩至
金章宗時因錢鈔法弊乃權以銀貨繼復罷錢
而專用銀鈔鑄銀名承安寶貨每兩折錢二貫
公私同見錢用當時俸給軍須皆銀鈔相兼逮
哀宗至大間鈔竟不行民間一以銀交易是為
今上下用銀之始然元代貢賦仍徵穀帛成宗
本紀所載歲入銀數不過六萬兩明初惟以銀

充坑冶之課其天下田賦亦未用銀民間交易者仍有厲禁自洪武至宣德實錄所紀每歲入數至多者為銀三十二萬餘兩自英宗正統初從尚書黃福副都御史周銓等之請令南畿浙江江西湖廣福建廣東廣西應輸米麥折銀送京謂之金花銀其後概行於天下諸方賦入悉折銀遂以銀為惟正之供太倉銀庫之名實起於明之中葉一切中外公私咸取給焉蓋古今

異宜其勢有不得不然者矣

胡三省通鑑註宋白曰天寶二年始命張瑄充太府出納使

冊府元龜天寶初以侍御史楊慎矜充太府出納使四載又以殿中侍御史楊釗充司農出納錢物使乾元元年度支郎中第五琦充兩京司農太府出納使

洪邁容齋隨筆楊國忠拜相前銜有兩京太府出

納使

司馬光資治通鑑天寶十一載左藏出納判官魏仲犀胡三省注左藏舊有令丞而已出納判官蓋帝置也楊國忠方承恩遇領使最多蓋兼左藏出納使而以魏仲犀為判官

謹案唐之太府左藏既有卿少令丞而又別置使以司其出納今之管理三庫大臣其職制蓋本於此

新唐書食貨志會昌末置備邊庫收度支戶部鹽
鐵錢物宣宗更號延資庫初以度支郎中判之至
是大中四年八月以屬宰相其任益重戶部歲送錢帛二
十萬度支鹽鐵送者三十萬諸道進奉助軍錢皆
輸焉

新唐書百官志宰相則為延資庫使

謹案唐以宰相為延資庫使蓋亦如今管理三
庫之職

冊府元龜唐貨財之任多專置使以主之不獨歸
於臺閣肅宗景雲二年以蒲州刺史充鹽池使鹽
鐵有使自此始也明皇開元二十二年蕭景除太
府少卿知度支事二十三年以太府少卿李元祐
知度支事天寶七載以給事中楊釗兼御史中丞
專判度支肅宗乾元元年以度支郎中第五琦充
河南五道度支使兼諸道鹽鐵使

制三省曰度
支使始此

二

年以兵部侍郎同中書門下平帝事充勾當度支

使劉晏又充勾當鹽鐵等使代宗廣德二年第五琦充諸道鹽鐵使專判度支德宗建中元年罷劉晏為右僕射天下錢穀皆歸金倉兩部委中書門下簡兩司郎官准格式條理時本司職事久廢無復綱紀徒收其名莫總其任國用出入無所統之是年三月以戶部侍郎韓洄判度支五年以中書侍郎同中書門下平章事竇參充鹽鐵度支使八年戶部尚書班宏加專判度支諸道鹽鐵使其年七

月司農少卿裴延齡加權判度支自後度支與鹽鐵益珠瑩而治十三年戶部尚書裴延齡判度支又以倉部郎中判度支案蘇弁除度支郎中兼御史中丞副知度支事立位於正郎之首副知之號自弁始見

唐會要度支自貞元以前他官來判者甚衆自後多以尚書侍郎主之別官兼者稀矣故事度支案郎中判入員外判出侍郎總統押案而已官銜不

言專判度支開元以後時事多故遂有他官來判者或尚書侍郎專判乃曰度支使或曰判度支或曰知度支事或曰勾當度支使雖名稱不同其事一也

資治通鑑元和六年李絳為戶部侍郎判本司胡三省註判本司者判戶部職事唐自中世以後戶部侍郎或判度支故以判戶部為判本司

容齋續筆唐自貞觀定制以省臺寺監理天下之

務官修其方未之或改明皇時宇文融韋堅楊慎
矜王鉞皆以聚斂進然其職不出戶部也楊國忠
得志乃以御史大夫判度支權知太府卿及兩京
司農太府出納是時猶未立判使之名也肅宗以
後兵興費廣第五琦劉晏始以戶部侍郎判諸使
因以拜相於是鹽鐵有使度支有判元琇班宏裴
延齡李巽之徒踵相躡遂浸浸以他官主之權任
益重憲宗季年皇甫鏐由判度支程异由衛尉卿

鹽鐵使並命為相逮於宣宗率由此塗大用馬植
裴休夏侯孜以鹽鐵盧商崔元式周墀崔龜從蕭鄴
劉瑒以度支魏扶魏謩蔣慎由蔣伸以戶部自
是計相不可勝書矣

謹案唐自中葉以後財賦之柄不歸版曹而別
有使以領之曰鹽鐵使曰判度支曰判戶部謂
之三司其職雖主出納錢物而簿書文案悉由
裁遣遂盡分戶部之權致金倉二屬轉為閒員

與今三庫大臣專掌收支勾核者情形較有差別然其制皆特遣重臣為之至以宰相兼領大要在於均節出入以供軍國故唐書元和十三年中書門下奏三司錢物至年終各具所入所用數分為兩狀以二月間奏即如今三庫奏銷之例參考沿革蓋三庫之職事如太府而其設官則又近於度支戶部諸判使之制其以戶部侍郎判本司者則如今之以戶部堂官管理三

庫也謹詳稽本末並系諸三庫表內至鹽鐵一使專司釐務則又別詳於鹽政篇焉

五季

舊五代史職官志梁開平元年四月置建昌院以太祖在藩時四鎮所管兵車賦稅諸色課利按舊簿籍而主之其年五月中書門下奏請為建昌宮使三年九月以門下侍郎平章事薛貽矩兼延資庫使判建昌宮乾化二年六月廢建昌宮以河南

尹魏王張宗奭為國計使凡天下金穀舊隸建昌宮者悉主之至後唐同光四年二月以吏部尚書李琪為國計使自後廢其名額不置

資治通鑑長興元年八月以前忠武節度使張延朗行工部尚書充三司使三司使之名自此始

舊五代史職官志後唐同光二年正月敕鹽鐵度支戶部三司錢物並委租庸使管轄踵梁之舊制也天成元年四月詔廢租庸院依舊為鹽鐵戶部

度支三司唐朝以來戶部度支掌泉貨鹽鐵時
置使名戶部度支則尚書省本司郎中侍郎判其
事天寶中楊慎務王鉞楊國忠繼以聚貨之術媚
上受寵然皆守戶部度支本官別帶使額亦無所
改作下及劉晏第五琦亦如舊制自後亦以宰臣
各判一司不置使額乾符後天下兵興隨處置租
庸使以主調發兵罷則停梁時乃置租庸使專天
下泉貨莊宗中興秉政者不閑典故踵梁朝故事復

置租庸使明宗嗣位乃詔削除使名但命重臣一人判其事曰判三司至是延朗自許州入再掌國計白於樞密使請置三司名宣下中書議其事宰臣以舊制覆奏授延朗特進行工部尚書充諸道鹽鐵轉運等使兼判戶部度支事從舊制也明宗不從竟以三司使為名焉

謹案唐之三司以大臣分判而後唐置三司使則張延朗一人總之其任為更重矣至建昌宮

使國計使專典府藏則猶唐出納使之職也

宋

玉海宋初沿後唐制併度支鹽鐵戶部為三司使
太平興國元年始置副使八年分三司各置使淳
化四年五月又併為一使十月置二使分領左右
計閏十月置總計使判左右計事左右計使分判
十道事分天下為十道曰河南河北河東關西劍
南淮南江南南東兩浙廣南在京東為左計京西

為右計各置判官領之五年十二月三司復各置
使罷十道左右計復歸三部三使各領一司局分
相違簿書交錯綱條失序言論盈庭咸平六年復
合為一使熙寧七年詔三司置會計司以宰臣韓
絳提舉元豐五年改官制四月以三司使安燾為
戶部尚書

宋史職官志三司使一人以兩省五品以上及知
制誥雜學士學士充總鹽鐵度支戶部之事以經

天下財賦而均其出入副使以員外郎以上歷三路轉運及六路發運使充判官以朝官以上歷諸路轉運使提點刑獄充三部勾院判官各一人以朝官充掌勾稽天下所申三部金穀百物出納帳籍以察其差殊而關防之都磨勘司判司官一人以朝官充掌覆勾三部帳籍以驗出入之數都主轄收支司判官以判磨勘司官兼掌官物已支未除之數候至所受之處附籍報所由司而對除之

天下上供物至京即日奏之納畢取其鈔以還本
州都憑由司掌在京官物支破之事凡部支官物
皆覆視無虛謬則印署而還之支訖復據數送勾
而銷破之

富大用事文類聚鄭湜太府寺廳壁記宋初財賄
出納之政頗領於三司

謹案宋初邦計獨掌之三司戶部太府寺雖存
虛名而職事悉入三司諸案故當時三司使副

實兼有今戶部堂官三庫大臣之任但其所領以貢賦出納為主且屬吏內如磨勘支收諸司皆專掌勾稽考核與今三庫堂主事正同非戶度金倉分曹領務者可比今並繫之三庫篇內以見元豐以前府藏職掌之所在焉

宋史職官志太府寺舊置判寺事一人同判寺一人凡廩藏貿易四方貢賦百官俸給時皆隸三司本寺但掌供祠祭香幣及校造斗升衡尺而已元

豐官制行始正職掌置卿少卿各一人丞主簿各
二人卿掌邦國財貨之政及庫藏出納之事少卿
為之貳丞參領之凡四方貢賦之輸於京師者辨
其名物視其多寡別而受之儲於內藏者以待非
常之用頒於左藏者以供經常之費凡官吏軍兵
俸祿賜予以法式頒之先給歷從有司檢察書其
名數鈎覆而後給焉供奉之物則承旨以進審奏
得畫乃聽除之分案九置吏六十有五所隸官司

有左藏東西庫掌受四方財賦之入以待邦國之
經費給官吏軍兵俸祿賜予西京南京北京各置
左藏庫元豐庫掌受諸路積剩及常平錢物凡封
樁者皆入焉

徽宗朝又有崇寧庫大觀庫

布庫掌受諸道輸納

之布辨其名物以待給用茶庫掌受江浙荆湖建
劍茶茗以給翰林諸司及賞賚出鬻雜物庫掌受
內外雜輸之物以備支用建炎以後所隸惟左藏
東西庫如前制所置左藏南庫以待從官提領又

置提轄檢察官一員

玉海宋初止為左藏一庫太平興國二年正月分

為絲綿金銀尺帛三庫

置合同憑由印

淳化三年分置左

右藏各二庫右藏受之左藏給之俟右藏既盈即

復以給凡六庫迭為受給四年廢右并之於左分

為四庫曰錢金銀曰絲綿曰生帛尺帛曰雜色尺

帛祥符二年併錢金銀絲綿為一庫七年又併生

帛雜色二庫為生熟尺緞庫又以祗候庫宣索之

物件併入以京朝官諸司使副三班內侍監庫舊
兩庫三人後減四人通掌別以三班二人監門政
和六年建新庫以東西庫為名

文獻通考紹興二十七年詔戶部於轄下丞簿內
選一員兼充左藏庫提轄官此提轄官所由始也
孝宗即位詔將御前樁管激賞庫撥歸左藏庫以
左藏南庫為名專一樁管應副軍期支遣於是
有東西南三庫尋罷南庫

遼

遼史食貨志五京及長春遼西平州置鹽鐵轉運度支錢帛諸司以掌出納其制數差等雖不可悉而大要散見舊史

遼史百官志五京諸使職名上京鹽鐵使司

王崇重熙

中為上京鹽鐵使

東京戶部使司

張孝傑清寧間知戶部使事聖宗太平九年見

戶部使判官

中京度支使司

道宗太康三年托卜嘉同知度支使事○托卜嘉原

作撻不也今改正

南京三司使司

劉仲重熙中三司副使

南面財賦

官諸錢帛司名長春路錢帛司

與宋重熙二十二年置大公鼎為長

春州錢帛司
都提點

遼西路錢帛司平州路錢帛司

謹案遼太府監官制無可考見惟三司諸使頗沿唐制食貨志載劉仲為戶部使歲入羨餘錢三十萬緡擢南院樞密知府藏之積是其專掌今繫之三庫表內至錢帛司雖分置於諸路然皆主財賄出納之官亦如今三庫郎中員外郎之職故並附於表焉

金

金史百官志太府監正四品少監從五品丞二員

從六品掌出納邦國財用錢穀之事左藏庫使從

六品副使從七品

興定三年
增一員

掌金銀珠玉寶貨錢

幣名藏庫使從六品副使從七品

興定三年
添一員

掌錦

帛絲綿毛褐諸道常課諸色雜物

謹案金泰和八年嘗省戶部官員置三司使副

兼勸農鹽鐵度支部三科有簽三司事同簽

三司事判官叅議規措審計官諸員貞祐中即罷而不設蓋一時權宜之制其職掌亦闕而未詳今故附著於此不列諸表

元

元史百官志都提舉萬億寶源庫掌寶鈔玉器至元二十五年始置都提舉一員正四品提舉一員正五品同提舉一員從五品副提舉一員從六品知事一員從八品提控案牘一員司吏二十三

人譯史二人司庫四十六人內以色目二人參之
○都提舉萬億廣源庫掌香藥紙劄諸物設置同
上提控案牘二員司吏一十二人譯史一人司庫一
十三人○都提舉萬億綺源庫掌諸色段疋設置
並同上而副提舉則增一員提控案牘設三員後
省二員司吏二十二入譯史一人司庫二十六人
內參用色目二人○都提舉萬億賦源庫掌絲綿
布帛諸物設置並同上提控案牘二員其後省一

員司吏一十七人譯史一人司庫一十五人內叅
用色目二人○四庫照磨兼架閣庫管勾一員從
九品世祖至元二十八年以四庫錢帛事繁始
置一員仍給印○提舉富寧庫至元二十七年始
創提舉一員從五品同提舉一員從六品副提舉
一員從七品分掌萬億寶源庫出納金銀之事吏
目一人其後司吏增至六人譯史一人司庫八人○
右以上屬戶部其萬億四庫國初以太府掌內帑

之出納既設左藏等庫而國計之領在戶部仍置
萬億等庫為收藏之府中統元年置庫官六員而
未有品秩俸給至元十六年始為提舉萬億庫秩
正五品二十四年改陞都提舉萬億庫秩正四品
二十五年分立四庫以分掌出納至二十七年又
別立富寧庫焉

富大用事文類聚大元改太府為監置監少監丞
掌出納邦國財用錢穀之事

元史百官志太府監領左右藏等庫掌錢帛出納之數太卿六員正三品太監六員從三品少監五員從四品丞三員正五品經歷知事照磨各一員令史八人譯史三人通事知印各一人奏差四人中統四年置至元四年為宣徽太府監凡內府藏庫悉隸焉八年陞正二品大德九年改為院秩從二品院判簽用宦者至大四年復為監定置如上

○右藏提點四員大使二員副使二員掌收支金

銀寶鈔積蘇

原作品孫
今改正

段足水晶瑪瑙玉璞諸物

至元十九年置○左藏提點四員大使二員副使
二員掌收支常課和買紗羅布絹絲綿絨錦木綿
鋪陳衣服諸物至元十九年置

謹案宋元二代內藏庫舉左右藏均隸於太府
其實左右藏為國家正帑而內藏庫則如漢魏
之御府唐之中藏當出於周官玉府內府之職
今並析繫內務府篇內云

明

明史職官志廣積庫大使一人副使一人典史一
人贓罰庫大使一人副使二人甲字乙字丙字丁
字戊字庫大使五人副使六人廣盈庫大使一人
副使二人外承運庫大使二人副使二人承運庫
大使一人副使一人行用庫大使副使各一人太
倉銀庫大使副使各一人

明史食貨志兩京庫藏先後建設其制大畧相同

內府凡十庫承運庫貯緞疋金銀寶玉齒角羽毛而
金花銀最大廣積庫貯硫黃硝石甲字庫貯布匹
顏料乙字庫貯胖襖戰鞋軍士裘帽丙字庫貯棉
花絲纈丁字庫貯銅鐵獸皮蘇木戊字庫貯甲仗
贓罰庫貯沒官物廣貯庫貯錢鈔廣盈庫貯紵絲
紗羅綾錦紬絹六庫皆屬戶部惟乙字庫屬兵部
戊字廣積廣盈庫屬工部通謂之內庫英宗時
始設太倉庫初歲賦不徵金銀惟坑冶稅有金銀

入內承運庫其稅賦偶折金銀者俱送南京供武
臣祿而各邊有緩急亦取其其中正統元年改折
漕糧歲以百萬為額盡解內承運庫不復送南京
自給武臣祿十餘萬兩外皆為御用所謂金花銀
也七年乃設戶部太倉庫各直省派剩麥米十庫
中綿絲絹布及馬草鹽課關稅凡折銀者皆入太
倉庫籍沒家財變賣田產追收店錢援例上納者
亦皆入馬專以貯銀故又謂之銀庫初太倉中庫

積銀八百餘萬兩續收者貯之兩廡以便支發而
中庫不動遂以中庫為老庫兩廡為外庫凡甲字
諸庫主事偕科道巡視太倉庫員外郎主事領之
而以給事中巡視嘉靖中始兩月一報出納之數
孫承澤春明夢餘錄太倉銀庫在倉場總督公署
之左中為銀窖老庫

明史職官志萬歷二年另撥戶部主事一人陪庫
每日偕管庫主事收放銀兩季終更替

謹案明之內府十庫雖稱隸於有司其實皆以
中官司其出納蓋即如前代之內藏庫而太倉
銀庫主之戶部則如前代之左右藏庫也但太
倉祇貯銀兩而緞疋在承運庫顏料在甲字庫
仍與右藏之專受纁帛雜物者其制相等

本朝順治初祇設後庫十二年分為三庫銀庫在部
署內即後庫故地段庫在東華門外即舊裏
新庫顏料庫在西安門內即舊甲字庫而承

運庫分貯紙張乙字庫分貯布麻諸物以及供
用庫之承造香蠟者並屬焉其餘明代諸庫俱
已久廢不設但規制雖異而職掌相承故仍詳
繫於此用明源委云

欽定歷代職官表卷七

欽定四庫全書

欽定歷代職官表卷八

戶部倉場衙門表

總督倉場侍郎

三代秦漢後漢三國晉
宋齊梁陳北魏北齊後周隋唐
季宋遼金元明

治粟南

史

治粟南

史

治粟南

史

治粟南

史

治粟南

史

治粟南

史

治粟南

史

治粟南

史

治粟南

史

尉

尉

尉

尉

尉

尉

尉

尉

尉

尉

尉

尉

尉

尉

尉

尉

尉

出納使

金嘉倉

納使

大倉出

所

京倉場

所

所

戶部倉場衙門

國朝官制

總督倉場戶部右侍郎滿洲漢人各一人

掌總稽歲漕之入以均廩祿以儲軍餉凡南北漕艘京通倉庾悉隸焉順治元年初設漢倉場侍郎一人九年設滿洲漢軍倉場侍郎各一人尋裁漢軍員額十五年定制滿洲漢人侍郎各一人駐劄通州新城總理糧務康熙八年復裁漢人員額止

設滿洲侍郎一人十八年仍設漢人侍郎一人又有總理滿洲侍郎一人順治四年置與總漕同理漕務八年裁十二年復置十八年仍裁

坐糧廳滿洲漢人各一人

以給事中御史各部郎中員外郎掄選

簡充二年而代掌北河濬淺修築隄岸牘壩催趲漕艘抵壩回空督令經紀車戶轉運輸倉兼司通濟庫銀出納及抽收通州稅課之事所屬通濟庫大使

一人通流慶豐牘官各一人順治元年通州坐糧
廳止差戶部漢人司官一人康熙二年添差戶部
滿洲司官一人二十六年定制依各關差例以各
部院官員通行差遣又初制有坐糧廳筆帖式一
人尋省

大通橋監督滿洲漢人各一人

以各倉監督掄選調充凡石壩運到漕白二糧抽
驗斜面督催車戶分運京倉及隨糧松板支收之

事皆屬焉初差戶部漢人司官一人康熙二年改設滿洲漢人監督各一人尋省四十七年以通州大通橋會清河相隔甚遠事難兼辦仍設滿洲漢人監督各一人管理

京通各倉監督滿洲漢人各一人

在京倉十有四城以內曰祿米倉南新倉舊太倉

富新倉興平倉

均在朝陽門內國初因明舊制建

海運倉北新倉

在東直門內亦國初建

恩豐倉

在東華門北乾隆二十八年建

城以外曰太

平倉

在朝陽門外
亦國初建

本裕倉

在德勝門外清河
康熙四十五年建

萬安

倉

在朝陽門外
雍正元年建

儲濟倉裕豐倉

均在東便門外
雍正六年建

豐

益倉

在德勝門外安河
雍正七年建

凡八旗三營兵食官軍牧

馬豆貯焉通州倉二曰西倉曰中倉

均國初因
明制建舊有

南倉乾隆
十八年省

凡王公百官俸廩米貯焉惟豐益倉

以供

守衛國明園
八旗官軍俸餉

恩豐倉

以供內廷
太監廩食

俱由內務府

遣官主之其十四倉監督以內閣中書部院寺監

屬官掄選引

見注其名於籍有闕員則戶部掣籤以授三年而代掌
漕白二糧交納上倉及收貯支放之事初制差戶
部滿洲漢人司官管理諸倉或一人或二人增損
不一康熙五十年始定每倉置滿洲漢人監督二
人五十七年令九卿各舉其屬以待

簡用雍正元年選部曹之候補者充其任二年置副監
督以預監督選者於應代先一年為之稱職則如
期交替不及者罷免四年復以滿洲各部院筆帖

式及漢人之候補道府同知知州者掄選充補勤
職者擢用之尋改定如今制又各倉原設筆帖式
一人後俱省

倉場筆帖式滿洲四人

順治元年置掌受遣文書之事

謹案今定制稽察倉儲京倉以都統副都統通
倉以通永道通州副將專司其事若倉有滲漏
米有盜竊者移倉場治之滿漢御史則每倉歲

差一人通稽一歲內收漕發米釐剔弊端以重
天庾儲備蓋即唐監倉明巡倉之職而立法周詳視
前代益昭嚴慎矣

歷代建置

三代

周禮地官廩人下大夫二人上士四人中士八人
下士十有六人府八人史十有六人胥三十人徒
三百人掌九穀之數以待國之匪頒賙賜稍食以

歲之上下數邦用以知足否以詔穀用以治年之

凶豐舍人上士二人中士四人府二人史四人胥

四人徒四十人掌平宮中之政分其財守以法掌

其出入掌米粟之出入辨其物

鄭康成註政謂用穀之政也分其財

守者計其用穀之數分送宮正內宰使守而頒之也而行出于廩人其在空缺則計之還入

倉

人中士四人下士八人府二人史四人胥四人徒

四十人掌粟入之藏辨九穀之物以待邦用

謹案管子稱黃帝使大常為廩者房元齡註云

謂開廩以給人也氏族畧稱庾氏為堯時掌庾
大夫以官命氏是委積之政由來以古迨周禮
設官分職立法尤詳觀廩人一官而徒至三百
人則其出納之多亦概可見矣至鄭康成謂廩人
舍人倉人司祿官之長者蓋成周鄉遂出軍兵
農合一無後世饋餉之繁故所主惟百官之稍
食為重耳

秦

冊府元龜秦始皇并天下有治粟內史掌穀貨有

兩丞

宋書百官志太倉令秦官也

漢

漢書百官公卿表治粟內史有兩丞景帝後元年

更名大農令武帝太初元年更名大司農屬官有

太倉令丞又郡國諸倉農監都水六十五官長丞

皆屬焉駿粟都尉

服虔曰駿者搜索也

武帝軍官不常置

王應

麟王海桑宏羊趙過楊敞為之趙過奏平都令先為丞

漢書食貨志元封元年桑宏羊為治粟都尉領大

農

謹案治粟都尉始見於史記淮陰侯傳蓋其官

本漢初所置漢書功臣表又作粟客

見司馬貞索隱今本

作粟客

殆一官而兩名又宣帝本紀大司農中丞

耿壽昌奏設常平倉以給北邊省轉漕云云是

大司農丞又得稱中丞也

漢書百官公卿表水衡都尉都水農倉長丞皆屬焉

漢書張敞傳察廉為甘泉倉長

食貨志太倉甘泉倉滿

史記倉公列傳太倉公者齊太倉長

漢書律厯志量者龠合升斛也職在太倉大司農掌之

三輔黃圖太倉蕭何造在長安城外東南有百二十楹細柳倉在長安渭北石徼西有細柳倉東有

嘉禾倉初建一百二十楹

漢書宣帝本紀詔丞相以下至都官令丞入穀輸
長安倉

謹案西漢大司農綜治錢穀蓋如今之戶部然
其官本出於治粟內史故柏梁詩大司農所賡
者但言陳粟萬石揚以箕周禮疏引史游章云
漢法穀入司農錢入少府而漢書朱邑為大司
農張敞與邑書曰掌周稷之業顏師古謂司農

主百穀趙充國傳亦言大司農所轉穀足支萬人一歲食足知大農所領實以倉廩為重與今倉場職尤相近也至西漢諸倉史傳尚頗可考而倉長丞等職名員數則志未之詳惟甘泉倉長一見於張敞傳以志核之甘泉丞隸於水衡都尉則甘泉倉長殆亦水衡之所屬歟又朱博傳有護漕都尉官當即後世轉運之司今別入漕運總督篇內不列於此表

後漢書百官志太倉令一人六百石主受郡國傳

漕穀丞一人屬大司農滎陽敖倉官中興屬河南

尹

杜佑通典後漢河南尹屬官有滎陽穀倉長丞

唐章懷太子後漢書註洛陽記曰建始殿東有太倉

晉書食貨志漢顯宗永平五年作常滿倉

謹案滎陽敖倉長丞

通典及唐六典俱作穀倉疑字誤

以西京

之制準之當屬水衡都尉其改屬河南尹者以

東漢省并水衡故也又常滿倉之類於例亦當

俱有長丞而史不之及蓋祇就其可考者載之

耳

三國

杜佑通典建安中為大農魏黃初元年又改為司

農

大司農桓範出奔謂曹爽曰大司農印在吾手所在得開倉而食

唐六典魏大司農品第三司農丞太倉令品第七
冊府元龜大司農蜀吳多如舊制

晉

晉書職官志大司農哀帝省并都水孝武復置

唐六典晉太康中置司農主簿二人

晉書武帝紀咸寧二年九月丁未起太倉於城東
酈道元水經注洛陽地紀曰大城東有太倉倉下
運船常有千計

王應麟玉海江左有龍首倉

即石頭倉

臺城內倉南

塘倉東西大倉東宮倉

宋書百官志晉江左以來又有東倉石頭倉丞各

一人

謹案漢代諸農倉長丞不屬司農而隸於水衡
都尉晉時都水使者亦職兼運部宋書載懷帝
永嘉六年劉曜入洛陽都水使者爰濬先出督
運得免是其明證哀帝時遂以司農并入都水
益轉漕之事必資河渠故兩職相兼方裨輓運
今河漕雖分二督而叅掌運道其北河疏濬及
開壩事宜則倉場侍郎及坐糧廳領之益即其

制也至晉大司農屬有東西南北部護漕掾當
如今押運府判之職又本紀太元中置督運御
史官當如今巡漕御史之職今俱別附漕運總
督篇內焉

宋齊梁陳

冊府元龜宋有大司農一人丞一人掌九穀六畜
之供膳羞者屬官有太倉令丞南齊大司農官屬
並如晉制

隋書百官志梁天監七年以大司農為司農卿位視散騎常侍主農功倉廩統太倉令又管左右中三倉丞焚庫荻庫箬庫丞陳承梁皆循其制

謹案梁代置焚庫荻庫箬庫諸丞隸於司農者蓋其物皆倉廩貯穀所需故特設官以掌之唐六典載凡輸米粟二斛課橐一圍三斛掇一枚米二十斛蘧蔭一領粟四十斛箬一簍麥及雜種亦如之以充倉窖所用是即梁之遺法而其

職則已併於太倉令今制每漕糧二石徵席一
領二千石徵楞木一根松板九片每船帶大竹
一根中竹三根皆隨運輸納於大通橋蓋亦本
唐制而損益之而大通橋監督則又兼有梁焚
箬諸庫丞之職矣

唐六典司農主簿梁置一人在七班之中第三陳
因之

北魏

冊府元龜後魏初大司農第二品孝文太和二十
年改為第三品少卿第三品亦改為正第四品上
丞第五品中改為第七品下其主簿省之

北齊

隋書百官志司農寺掌倉市薪菜園池果實統太
倉梁州水次倉石濟水次倉等署令丞

冊府元龜北齊司農寺置卿少卿各一人復置主
簿

後周

通典後周有司農上士一人掌三農九穀稼穡之政令屬大司徒

唐六典後周有司倉下大夫

隋

隋書百官志司農寺置卿少卿各一人丞五人主簿二人錄事四人統太倉等署置令二人太倉又有米廩督二人穀倉督四人鹽倉督二人

唐六典隋初漕關東之粟以實京邑衛州黎陽倉
滎陽洛口倉洛州河陽倉陝州常平倉潼關渭南
亦皆有倉以轉運之各有監官

通典司農寺隋初與北齊同煬帝置少卿二人

川

太守趙元淑入朝會司農不時納諸郡租穀元淑
奏之煬帝曰如卿意者幾時當了元淑曰不過十
日即日拜元淑為司農
卿納天下租如言而畢

唐

鄭樵通志唐龍朔二年改司農為司稼咸亨初復

舊

唐六典司農寺卿一人從三品少卿二人從四品
上丞六人從六品上主簿二人從七品上錄事二
人從九品上府三十八人史七十六人計史三人
亭長九人掌固七人司農卿之職掌邦國倉儲委
積之政令謹其出納而修其職務少卿為之貳凡
京都百司官吏祿廩皆仰給焉丞掌判寺事凡天
下租稅及折造轉運於京師皆閱而納之每歲自

東都轉米一百萬石以祿百官及供諸司若駕行
幸東都則減或罷之凡受租皆於輸場對倉官租
綱吏人執籌數函其函大五斛次三斛小一斛凡
朝會祭祀米物薪芻皆應時而給主簿掌省署抄
目勾檢稽失凡署木契二十隻應須出納與署合
之錄事掌受事發辰○太倉署令三人從七品下
東都則曰
舍嘉倉丞六人從八品下監事十人從九品下
府十人史二十人典事二十四人掌固八人令掌

九穀廩藏之事丞為之貳凡鑿窖置屋皆銘甄為
庚斛之數與其年月日受領粟官吏姓名又立牌
如其銘焉凡粟支九年米及雜種三年凡京官之
祿發京倉以給給公糧者皆承尚書省符○太原
永豐倉監一人正七品下丞二人從八品上錄事
一人府三人史六人典事八人掌固六人龍門等
諸倉每倉監一人丞二人錄事一人府二人史四
人典事六人掌固四人諸倉監各掌其倉窖儲積

之事丞為之貳凡粟出給者每一屋一窖盡贖者
附計欠者隨事科徵非理欠損者坐其所由令徵
陪之凡出納帳歲終上於寺焉

謹案魏晉以後錢帛領之度支司農遂專司倉
廩其職事畧見於諸史志而唐六典所載尤詳
核其司存正與今倉場衙門無異以官制準之
司農卿當如倉場侍郎之職太倉令當如坐糧
廳之職諸倉監則各倉監督之職也

唐會要太倉出納貞元五年俾司農少卿一人專領少卿李堅立太倉石柱記

冊府元龜貞元十九年太倉奏請依六典置太倉令二員丞六員監事十員支計官驅使官三人典事六人府史六人元和三年八月司農少卿崔鄴奏停倉丞一員監事二員

玉海楊慎矜弟慎名元宗擢為含嘉倉出納使慎餘主長安倉

新唐書地理志河南府鞏有洛口倉河清有柏崖
倉陝西三門西有鹽倉東有集津倉陝有太原倉
孟州河陰有河陰倉華州華陰有永豐倉臨渭倉
河中府龍門有龍門倉開元二年置

謹案據冊府元龜太倉令於貞元中復設則前
此嘗省其官而史不載疑或劉晏領轉運時嘗
以便宜廢置也至六典所載諸倉監惟太原永
豐二倉吏額獨多蓋唐時江淮漕米於河南運

至太原倉又遞運至永豐倉及京太倉此二倉
當轉輸要地積貯最繁故視他倉為較劇耳

新唐書食貨志文宗召監倉御史問太倉粟數崔
虞對粟二百五十萬石

新唐書百官志殿中侍御史一人監太倉出納開
元十九年以監察御史莅太倉其後以殿中侍御
史上一人為監太倉使

謹案唐之監太倉使蓋即今稽查諸倉御史之

職也

五季

冊府元龜後唐天成二年九月修魏門倉一百間
充貯轉運斛斛十一月三司使張延朗奏於洛中
預備一二年軍糧帝然之四年二月三司使奏水
運自洛口至京至倉門稍遠欲於洛河北岸別鑿
一灣引船直至倉門下卸從之

謹案五季倉儲之制史乘闕畧據冊府元龜所

金史卷八十八 卷八
載則積貯出納皆三司使為政其時九寺三監
雖沿唐舊司農卿蓋特具員而已

宋

李燾續資治通鑑長編太祖建隆元年五月乙巳
上以畿甸委輸京師多旁緣為姦民或咨怨命殿
中侍御史王仲監察御史王祐戶部郎中沈義倫
等分領在京諸倉

謹案自漢以後太倉令及諸倉監皆設有專官

宋太祖始命廷臣以他官分領京倉今之部院寺監官員選充諸倉監督其制蓋自此始也

宋史職官志司農寺舊置判寺事二人以兩制朝官以上充主簿一人以選人充掌供藉田九種大小中祀供豕與平糶利農之事元豐官制行始正職掌置卿少卿丞主簿各一人卿掌倉儲委積之政令而謹其出納少卿為之貳丞參領之凡京都官吏祿廩辨其精麤而為之等諸路歲運至京師

遣官閱其名色而分納於倉庾歲具封樁月具見
存之數奏聞給兵食則進呈糧樣有負欠者計其
虧數上於倉部凡諸疏奏雨雪之闕與過多者皆
籍之分案六置吏十有八初熙寧立常平斂散法
以付司農而農田水利免役保甲等法悉自司農
講行官制行寺監不治外事司農舊職悉歸戶部
右曹元祐三年詔司農寺置長貳五年以本寺主
簿兼檢法八年復置提轄修倉所紹聖四年罷主

簿添丞一員所隸官屬五十○倉二十有五掌九
穀廩藏之事以給官吏軍兵祿食之用凡綱運受
納及封樁支用月具數以報司農○排岸司四掌
水運綱船輸納雇直之事○下卸司掌受納綱運
○建炎三年罷司農寺以事務併隸倉部紹興三
年復置丞二員凡有合行事務申戶部施行四年
復置寺仍置卿少十年復置簿隆興元年併省主
簿一員明年詔如舊制分案五南北省倉隸焉監

倉官分上中下界司其出納諸場皆置監官外有
監門官交量則有檢察斛面官綱運下卸有排岸
司官各分其事以佐本寺

玉海京諸倉總二十三所凡受四河運至京師者
謂之船般倉永豐通濟萬盈廣衍

初通濟有四倉景德四年改第

三第四曰萬盈廣衍

延豐

舊曰廣利景德中改祥符二年增第二

順成

舊曰常豐景德

中濟遠

舊曰帝盈富國

太平興國中以迎春苑地為之

十倉

案倉名止

八所其曰十倉者無通濟延豐第二倉為數也

受江淮所運

東河

永濟永富

二倉受懷孟二州所運

河

廣濟第一倉受潁壽諸

州所運

南

河廣積廣儲二倉受曹濮諸州所運

北

其

受京畿之租者曰稅倉京東界則廣濟第二倉受
之京北界則廣積第一倉騏驥院天駟監倉受之
京西界則左天廩坊倉受之京南界則大盈右天
廩倉受之其受商人入中謂之折中倉元豐元年
七月提點在京倉場所言在京諸倉名宜改易其
延豐永濟廣積廣濟第一倉依舊名欲以延豐第

二為元豐倉永濟第二為永豐倉廣積南倉為大
盈倉廣濟倉為廣阜倉從之

馬端臨文獻通考宋諸倉監官每界二人以京朝
官及三班使臣充元豐後屬司農中興後又有豐
儲倉初紹興以上供米餘數椿管別廩以為水旱
之助後益增廣收糴置監官二員監門官一員淳
熙間命右司為之提領後以屬檢正非奉朝廷指
揮不許支發

謹案宋自元豐改制倉廩職掌始歸之司農獨省太倉令不置所屬惟諸倉監而已南渡後張維作司農寺壁記謂倉儲出納自昔太倉令主之蓋大司農之屬猶今之倉部也以列卿而行太倉令日惟倉部要束是聽位雖高勢出倉部下至於軍餉支給罷於奔命世謂之走卿云云蓋當時司農官屬不備凡監支閱納之事舊屬太倉令者多以卿少兼任之故其職繁冗如此

乃俞文豹吹劔錄外集載有淳熙六年太倉令
葉大廉乞內省取索給憑由下戶部除破一事
似宋時又曾置太倉令者未知其說何據疑文
豹有誤也至宋之排岸下卸司掌受納綱運今
大通橋監督督催車戶分運京倉正其職矣

富大用事文類聚宋仍舊制以三司大將軍為都
糧料使開寶六年改用京官太平興國五年分諸
司馬軍步軍為三院八年以馬軍步軍合為一院

雍熙四年命供奉官陳處晦勾當諸司糧料供奉
官曾祚勾當馬步軍糧料自後復分馬步軍為兩
院或以諸司使副分主之端拱二年復以京朝官
主之元豐末併馬步軍與諸司為二院隸太府寺
掌以法式頒廩祿凡文武百官諸司諸軍奉料以
券準給

謹案宋以糧料院為六院之一掌以法式批支
諸軍諸司之廩祿猶今俸甲諸米戶部繕冊具

數付倉場始得支放也自元時已廢其職併入
戶部為糧草科以其與司農職掌相關均有倉
儲出納之責故附載備考而不列於表焉

遼

遼史百官志南面朝官寺官職名有司農寺

謹案遼諸道俱置義倉東京沿邊諸州各有和
糴倉又有鹽滌倉而五京諸倉獨不見於史司
農職守志亦不詳惟考馬人望傳稱人望遷中

京度支使半歲積粟十五萬斛判南京三司使
事錢粟出納弊甚人望皆使別籍黠吏莫能軒
輊又稱驛遞馬牛隸倉司之後破產不給人望
使官自募役人以為便據此是遼之倉司當屬
於三司使也

金

金史百官志太倉使從六品掌九穀廩藏出納之
事副使從七品屬太府監○提舉倉場司

貞祐五年
置先

吏部辟舉
後省擬

使從五品副使從六品掌出納公平及

毋致虧敗監支納官八品十六員

以年六十以下
廩幹人充女直

漢人
各一

廣盈倉豐盈倉永豐倉豐儲倉富國倉廣衍

倉三登倉常盈倉西一場西二場西三場東一場

東二場南一場北一場北二場○通濟倉與在京

倉置監支納使副各一員

謹案金之勸農使司大司農司皆掌勸課農桑

并採訪公事不司國儲之政其主倉廩者惟太

倉使提舉倉場司二官考金史食貨志載金大定間歲入粟九百萬石自經費七百萬石外加以水旱蠲免所餘纔百萬石殆以出納務簡故設官亦從省併歟至倉場之名始見於宋之提點在京倉場所至金遂為置司設官而提點秩止五品則當如今之坐糧廳尚非倉場侍郎之職也

元

元史百官志京畿都漕運使司秩正三品運使二員正三品同知二員正四品副使二員正五品判官二員正六品經歷一員正七品知事一員從八品提控案牘兼照磨二員掌凡漕運之事世祖中統二年初立軍儲所尋改漕運所至元五年改漕運司秩五品十二年改都漕運司秩五品十九年改京畿都漕運使司秩正三品二十四年內外分立兩運司而京畿都漕運司之額如舊止領在京

諸倉出納糧斛及新運糧提舉司站車攢運公事
省同知通判知事各一員延祐六年增同知副使
運判各一員其後定置官員已上正官各二員首
領官四員吏屬令史二十一人譯史二人回回令
史一人通事一人知印二人秦差一十六人典吏
二人其屬二十四○新運糧提舉司秩正五品至
元十六年置管站車二百五十輛隸兵部開設運
糧埧河改隸戶部置達魯噶齊

蒙古語頭目也原本作達魯花赤今

正改一員都提舉一員同提舉二員副提舉一員吏

目一員司吏八人奏差十二人○京師二十二倉

秩正七品○萬斯北倉

中統二年置

萬斯南倉

至元二十四年

置千斯倉

中統二年置

永平倉

至元十六年置

永濟倉

至元十四年置

維億倉既盈倉大有倉

並皇慶元年置

屢豐倉積貯倉

並皇

慶元年增置

已上十倉每倉各置監支納一員正七品

大使二員從七品副使二員正八品○豐穰倉

皇慶

元年置

廣濟倉

皇慶元年置

廣衍倉

至元二十九年置

大積倉

至元

二十八 既積倉盈衍倉 並至元二十六年置 相因倉 中統二年置

順濟倉 至元二十九年置 已上八倉每倉各置監支納一

員正七品大使一員從七品副使二員正八品○

通濟倉 中統二年置 慶貯倉 至元四年置 豐潤倉 至元十六年置 豐

實倉 案此下史文失載建置年月 已上四倉每倉各置監支納

一員正七品大使一員從七品副使一員正八品

○通惠河運糧千戶所秩正五品掌漕運之事至

元三十一年始置中千戶一員中副千戶二員○

都漕運使司秩正三品掌御河上下至直沽河西
務李二寺通州等處儲運糧斛至元二十四年自
京畿運司分立都漕運司於河西務置總司分司
臨清運使二員正三品同知二員正四品副使二
員正五品運判三員正六品經歷一員從七品知
事一員從八品提控案牘二員內一員兼照磨司
吏三十三人通事譯史各一人奏差一十六人典
吏一人其屬七十有五○河西務十四倉秩正七

品○永備南倉永備北倉廣盈南倉廣盈北倉充
溢倉已上五倉各置監支納一員正七品大使二
員從七品副使二員正八品○崇墉倉大盈倉大
京倉大稔倉足用倉豐儲倉豐積倉恒足倉既備
倉已上九倉各置監支納一員正七品大使一員
從七品副使一員正八品○通州十三倉秩正七
品○有年倉富有倉廣儲倉盈止倉及秭倉迺積
倉樂歲倉慶豐倉延豐倉已上九倉各置監支納

一員正七品大使二員從七品副使二員正八品

○足食倉富儲倉富衍倉及衍倉已上四倉各置

監支納一員正七品大使二員從七品副使一員

正八品○河倉一十有七用從七品印○館陶倉

舊縣倉陵州倉傅家池倉已上各置監支納一員

從七品大使一員從八品副使一員

案此下史失載品數下條

同○秦家渡倉尖塚西倉尖塚東倉長蘆倉武強

倉夾馬營倉上口倉唐宋倉唐村倉安陵倉四柳

樹倉淇門倉伏恩倉已上各置監支納一員從八品大使一員從九品副使一員○大都陸運提舉司秩從五品掌兩都陸運糧斛之事至元十六年始置運糧提舉司延祐四年改今名提舉二員從五品副提舉一員從七品吏目一員司吏六人差委一十人海王莊七里莊魏家莊臘八莊四所各設提領一人用從九品印

案大都陸運提舉司屬中書兵部

謹案唐宋糧儲領之司農寺故轉運使發運使

為今漕運總督及督糧道之職至元之大司農
司所掌惟農桑水利學校之事而在京諸倉出
納乃屬之京畿都漕運司是都漕運使正如今
之倉場侍郎而新運糧提舉司則如今之坐糧
廳大都陸運提舉司則如今之大通橋監督監
支納大使副使則如今之各倉監督也若至元
中所分內外兩運司其在河西務者主直沽以
來催餉糧斛亦與今倉場侍郎職掌相合惟分

司臨清運使在外調度則如今之漕督耳今以其本京畿分職故併載於此而仍互見於漕運諸官表內云

明

明史職官志總督倉場一人掌督在京及通州等處倉場糧儲洪武初置軍儲倉二十所各設官司其事永樂中遷都北京置京倉及通州諸倉以戶部司員經理之宣德五年始命李昶為戶部尚書

專督其事遂為定制以後或尚書或侍郎俱不治部事嘉靖十五年又命兼督西苑農事隆慶初罷兼理萬歷九年裁革命本部侍郎分理之十一年復設

孫承澤春明夢餘錄總督倉場公署在城之東裱稍衙設於正統三年糧儲抵通分貯京通二處在京者曰舊太倉曰百萬倉曰南新倉曰北新倉曰海運倉曰祿米倉曰新太倉曰廣備庫倉在通

州者曰大運西倉大運南倉大運中倉大運東倉
戶部侍郎或尚書總督之元時有京畿都漕運使
司所管倉有萬斯南倉萬斯北倉千斯倉相因倉
豐潤倉通濟倉廣貯倉永平倉永濟倉維億倉盈
衍倉大積倉豐實倉廣衍倉順濟倉今之倉多其
地也

明史食貨志明初京衛有軍儲倉永樂中置天津
及通州左衛倉且設北京三十七衛倉既又設通

州衛倉於張家灣宣德中增置北京及通州倉京
倉以御史戶部官錦衣千百戶季更巡察各倉門
以致仕武官二率老幼軍丁十人守之半年一更
正統中增置京衛倉凡七自充運法行諸倉支運
者少而京通倉不能容乃毀臨清德州河西務倉
三分之一改為京通倉景泰初移武清衛諸倉於
通州凡京倉五十有六通倉十有六

明成祖實錄永樂十六年復設通州衛通濟倉

謹案通濟倉之名始於金明代則置於張家灣
正統元年管糧通政使李暹奏請移置通州既
而不果見英宗實錄今其倉已廢而坐糧廳庫
曰通濟庫蓋猶沿其舊名也

春明夢餘錄永樂中歲凡三運其達京倉者二儲
通倉者一宣德四年益增修京通等倉正統元年
定所增通州大運曰中倉曰東倉曰南倉曰西倉
時歲運米五百萬京十之四通十之六其年復增

造三百萬石倉於大運西倉之側四年增設左右
金吾前三衛倉天順四年即通州西倉之南草場
置大運南倉五年復增通州大運倉百間而南倉
設北東二門餘倉皆三門設守衛軍一人辦事官
一人軍一人然由是設總督太監監督內官漸多
事矣隆慶初巡倉御史蔣機言漕儲通倉者三百
三十餘萬而京倉僅二百餘萬石根本之地出多
入少非所以備緩急請無拘三七四六之例凡兌

運者悉入京倉改兌者入通倉詔可之

邵寶容春堂集通州倉戶部歲委員外郎一人主事四人或七人或九人監出納之政

謹案明諸倉不設監督惟戶部遣司官經理之謂之監倉員外郎主事其監督倉糧乃內官職名正統中始設一員正德間增至十七八員言者屢陳其侵冒剝削之害而不能去至嘉靖十四年始盡行裁革明代冗食耗蠹職此之由洵

一時之批政也又今之坐糧廳其職名不見明職官志考張輔之司空奏議有板片蘆蓆驗收者京糧廳與坐廩廳語則坐糧廳當即沿明坐廩廳之制而改其名者至京糧廳亦載於春明夢餘錄又稱為總廳案

本朝順治十二年嘗置京糧廳以掌京倉出納十五年併歸坐糧廳管理蓋亦沿明制而設意其時均出長官選委不由奏授故史志失載歟

欽定歷代職官表卷八